



**C**hristopherus ex honesta familia in Charinthia natus est, anno Domini millesimo quingentesimo uicesimo quinto. Hic in patria sua puer adhuc operam literis dedit, & ob præclaram ingenij indolem literarum fundamenta facile percepit. Inde sese amore studiorum in Italiam contulit, atq; luris prudentiæ incubuit. In ea facultate cum plurimum profecisset, omnium consensu Legum Doctor creatus fuit. Inde in patriam reuersus, Chiemensis præsul electus est, Anno salutis millesimo quingentesimo sexagesimo. Postea sese Salisburgum contulit, & ob certas causas in eo loco habitare cœpit. Huius uiri uirtutes ibidem uariæ prædicantur, neque tantum à communis generis hominibus, uerum etiam à uiris doctissimis. utpote qui literarum studia unice promouere, atque suo exemplo ad uirtutes omnes alios incitare soleat. Id cum Salisburgi intellexissem, hominem salutare statueram: uerum alijs negotijs impeditus intermisi, atque Passauiam uersus festinando discessi. id quod etiamnum poenitet, præsertim cum in itinere uariæ huius uiri uirtutes passim prædicarentur.

Anonymos.